

雲南府縣志輯

中國地方志集成


民國縣志叢刊(11)

中國地方志集成


雲南府縣志輯 ⑥⑥

民國
姚安縣志(二)

鳳凰出版社 ● 上海書店 ● 巴蜀書社



民國姚安縣志(二)



霍士廉
由雲龍
等纂修

姚安縣志卷三十三

人物志之九

文苑

范曄後漢書既撰儒林復撰文苑章實齋云儒林講經文苑談藝原史臣之意以人類造詣不齊文章之重未嘗不可與事業同傳本志學術既徵簡編復志流別茲又傳述志行庶可與學術參稽並可與人物各傳互相輝映志乘云

明

由於廷

清

施楷 蔡友松 高乃裕 冉宏智 饒宗賢 向雲翔懷文偉羅 琦 黃中理

饒有志 許錫 杜友壇 王安廷弟芝廷 周之冕 趙洋 甘榮昌 李泰子德滋

張如暉 趙美王式金顏發榮 楊國樸 楊元熙 劉誠 胡壽榮 李芝山

張廷用 商延年 甘德柄弟德輝從弟德方 鄭仰僑 陳日新

謹按蔡友松以下諸人甘志所列次序多有錯謬茲特詳考選舉表另爲更正

由於廷孝恭坊人明諸生博通經史百家教授於鄉一州英俊盡出其門既歿門人鑄像祀之甘孟賢遺稿

施楷康熙甲子科武舉中式後即棄武習文受業於高喬映博通典籍自號晚學居士甘志

蔡友松康熙辛卯科舉人篤行力學善誨生徒進士樊仲琇甘美舉人甘茂拔貢劉鏞邱啟賢歲貢邱統

賢等皆門下士其著述甚富歷久散失任光山知縣有政聲拔貢施岳亦博學善教與友松齊名州舊志

高乃裕別號梅溪廩生博學工騷詠著有焚餘集四卷行於世甘志

謹按續通志載高乃裕乾隆間與同知考各記載高厚德於雍正七年已遷江南世職即未乘輿通志所未知何據

冉宏智乾隆間歲貢生性疏狂讀書有妙悟將爲文伏案構思研墨極濃乃濡毫疾書一揮而就見者無

不驚奇晚年教授生徒多所造就甘志

饒宗賢乾隆間歲貢生居家孝友苦志力學善誘生徒所得脩金盡以周鄉里之貧乏者耽吟詠著有古

體近體詩數千首頗得詩人風致年久散失甘志

向雲翔乾隆間歲貢生博通羣籍著有爾雅草一部選建水訓導善教生徒卓有賢聲同時有傑文倬字

天章亦歲貢生善吟詠工書法常與夏詔新酬唱著有醒心詩集

金州舊志甘孟賢日省錄

羅琦州西代苴鄉人廩生性警敏好讀書窮探經史尤喜讀宋人語錄及周易諸書下帷十年得其旨趣嘗手著經義備覽道學集要各數卷年三十而卒士論惜之甘志

黃中理乾隆乙酉科拔貢博通經史善書法尤工吟詠著有詩稿四卷中理以管志缺載藝文特採府志

增補成藝文志二卷

參王志序及甘志

饒有志乾隆間歲貢生家貧好學性強記經史而外各種子集無不博覽甘志

許鵬乾隆間歲貢生品端學博善誘生徒晚年益自刻勵閉戶著書不干外事甘志

杜友檀嘉慶間歲貢生績學能文工書法時人頗引重焉甘志

王安庭字桐門道光壬午科舉人性純雅博通經史工文藝主講大成書院多所造就所作詩文三姚人士無不爭相揣摩又與學正王壇同修姚州志後選廣南教授卒於官弟芝庭辛卯舉人亦博學能文與

兄齊名甘志

周之冕字德中道光間恩貢生事母至孝學問博洽勵志安貧不求聞達家居教授生徒成就者衆甘志

趙洋道光間州歲貢生通脫警敏績學能文嗜酒工詞翰移居白井肄業靈源書院將爲詩銜杯構思乃

濡毫數章立就同人重之晚年設帳齊雲閣從學者衆參白井志

甘榮昌字泰交嘉道間人歲貢生性敏捷善屬文與其兄榮祿相師友家居教授生徒來學者先後數百

人著有柳村集

甘志

李泰道光間歲貢生工詩賦精舉業遊其門者甚衆子德叢字心階道光甲辰副榜工詩古文辭同治中

主講大成書院後授雲龍州學正卸任歸里至彌興而卒

參甘志廿
孟野稿

張如暈字振采道光丙午科舉人家貧力學三十餘年手不釋卷凡經史子集靡不淹貫其爲古文也宗韓柳其爲時文也師金陳年五十始舉於鄉後選授新下教諭甫四年即告歸歸數月逆回煽亂憂鬱而卒

甘志

趙美字含章諸生安貧樂道不求聞達工書畫通天文博覽經史尤致力於易學精求象數曾繪南極北極二圖以觀星象著有南堂啟蒙集夢梅書屋詩稿朱子家訓引證州副榜官全爲之序貢生王式金亦博學工書法名與美相埒

甘志

顏發榮字春圃州北鐵索鄉人同治間恩貢生成同之亂隱居教授講學不輟亂平挈其子弟十餘人應

有司試皆獲雋性端謹沉默生平不言人過不預非分事鄉里欽崇之卒年八十有二

甘孟賢
遺稿

楊國樑字柏年州西彌興人同治癸酉拔貢本科舉人性純正工詩文精書畫回衆亂時有欲污以僞職

嚴拒不受光緒初主講大成書院副貢李德叢卸雲龍敎職歸中途嬰疾衣物典質殆盡抵彌興卒國樑爲具棺殮舁送回里時論高之後授永善敎諭卒於官採訪

楊元熙字書航歲貢生州西彌興人性強記幼讀書甚少入庠後閉戶精誦三年遂以淹貫稱咸同之亂賊欲污以僞職力却不受初元熙有母甚賢通書傳元熙每觀書母輒往窺經史則聽之俗家小說淫詞豔語則呵禁之並焚其書人謂元熙之學半成於母氏之敎云甘孟賢遺稿

劉誠字子靜光緒間貢生通音律工詩古文辭書法鍾王設帳敎授成就甚衆嘗籌款修復大成書院並與貢生任揆道監修營官學劃經營悉合體制往來昆華蒼洱間弔古感懷輒寄之詩歌惜不自珍惜故無專集行世採訪

胡壽榮字哀臣光緒壬辰進士授禮部儀制司主事工制藝及近體詩多參古體嘗與康有爲公車上書戊戌政變歸里改建大成書院並任主講十年多所裁成繼倡修文昌宮崇閎壯麗殿門陰騰文即其手書規撫顏柳秀勁不羣採訪

李芝山字紫庭光緒間廩生博綜羣書恪守先儒遺訓居家孝友接物忠恕敎授生徒從遊甚衆著有梅窗集現多散失採訪

張廷用字竹賢光祿鄉人光緒甲午副榜歷任學校教授裁成甚衆間長地方經費廉介不苟晚年家居

詩酒自娛花晨月夕均有吟咏名勝古蹟時發幽思雖淡中著筆寓意深遠所著詩集詳見學術採訪

商延年字鶴仙光緒庚子辛丑併科舉人留學日本宏文學校與保山林春華譯編物理新編歸教鄉人

光復後任滇督軍署法曹尋知摩芻現名縣事爲人工詩文善書畫致仕後留寓省中爲指頭書畫生動

有致求者盈門採訪

甘德柄字子謙孟賢長子清舉人穎慧逾恆五歲受書十歲能詩文成童終十三經卷繼續莊騷史漢下
筆輒冠羣曹平生以紹述教育世業爲職志宣統間創設甘氏自立小學民國五年籌辦姚安等四縣聯
合中學歷任昆華中學廣通師範文史教員先後四十年間孜孜不倦一時桃李盈門成就頗衆爲文倚
馬可待鄰近各縣碑銘傳序多出其手其純客觀文字清真純正深入歐陽堂奧並精醫術工詩聯遠近
求者咸往應之卒年七十有五遺著有毛詩廣義尙書粹旨等書地方深爲悼惜特籌資公葬弟德輝字
子晦聰穎博學能文亦如其兄甫弱冠文名藉甚調充經正書院高材生昆明陳榮昌長院器重之課藝
文多刊入經正課藝宣統初由雲龍錢用中創辦雲南日報聘任總撰述於時事多所箴砭己酉以拔元
赴京試得朝元授陸軍部軍收司七品京官辛亥國變投筆從戎由軍醫軍需陞任靖國鄂軍第一師參

謀長擘畫精詳義師文檄多出其手願體素羸年僅四十有二竟積勞病故軍中不獲大展其才士論惜之從弟德方字子直亦聰慧能文弱冠即以優元貢於廷籤分四川以直隸州判補用光復後歷任邑中及建水廣通中校教授二十餘年裁成甚衆採訪

鄭仰儒字惠之邑北長壽屯人宣統己酉選拔嘗肄業省垣高等學堂及法政學校選拔後朝考分四川任用民國改元選任省議會議員審查稅捐多所建議爲人不平即鳴光緒丙午邑中大旱州牧匿不以聞即糾族省同人瀝陳旱災得賑以抒民困旋陳革除城市保正升斗積弊光復時並上軍府時事書數千言慷慨淋漓具見清介之氣並在本縣及阿迷箇舊等處任教成就甚衆採訪

陳日新字子銘光緒間恩貢生工詩能文邑掾紳馬駟良嘗聘充本鄉教授多年後赴省任報館編輯所著社論人多重之生平幼學手不釋卷家人曝穀於庭令持竿逐雞雀竟觀誓不顧家人歸稻多失詰之曰未也時人以高鳳目之後漢高鳳事精誦讀晝夜不息妻嘗之曰曝麥於庭令鳳護雞時天暴雨而鳳持竿不經不覺水潦淋漓妻還怪問鳳方悟之後以名儒稱

贊曰繭絲繩跡擢吐心肝蒼萃經史專擅詞壇韓潮蘇海壯波瀾文化日進此其造端

姚安縣志卷三十四

人物志之十

義行

士君子胞與爲懷不能出而幹旋氣運利濟蒼生而時能存心利物於人有濟功德之量雖殊悲憫之懷則一也甘志依通志例特開義行一門竊謂義行表見亦不一端時際艱危之會事當公共利害之交苟能挺身赴義以弭一方之患而羣衆蒙其福利者要富與好義樂施之士共光簡冊於不朽云

明

高潮

龔應先

蔡

謝子學而張所學

陶以鑄

郭宣猷

清

馬騰皋

龔文元

龔正泰

甘學曾

世哲徐嗣

陳

鍾許鳳麟等

向明毛

榮袁

采

王騰驥

王元旦

徐斯茂官宗賢

田之奇

宗德

向殿

張開圖

劉賢

劉轅

高聯第

關偉

朱

絢周興國子兆繁

徐景達

上會

關壽

周繡

劉志高

陳

韶

劉源逢郁熙廷吳士元弟應允

曹國華

楊玉山

李文煒邱崢嶸李中清

張廷樑

郭士端

羅宗閔

任揆道子想

雷鳳舞劉思禹等

周飛熊

高尚質

魯源沂魯國文

夏重慶章德

高潮州士舍好禮慕義樂善濟貧擇士人之貧而能文者聚之家塾給以膏火其尙賢好義如此姚安府志

龔應先隆萬間人賦性端方好善樂施言行不苟取與必慎壽至九十五歲州舊志

蔡澍隆萬間人生平好義樂施嘗修建鎖水塔以培風水又與兩兄椿榛同建光明宮于學清體父志亦

好施濟遇有貧乏者量力周恤無德也無驕志凡所周濟事過則置之絕口不言於人州舊志

張所學嘉靖間人仁孝天成迎母歸養博學淹貫自勵儒修樂施嗜善恤孤濟貧教子三人悉貢成均長

日美官至廣德知州懋著循績參陶東張封翁銘

陶以鎔恩選貢生疏財好義官景東教授致仕歸所得俸金盡以分惠親鄰之貧乏者甘志

郭宣猷州東煙蘿鄉人明季任迴龍廠官廠停家居慷慨好義張虎入姚肆行屠殺鄉人懼避乃親往說

虎勸勿妄戮無辜虎從之令遍插紅旗識別鄉民得免於難採訪

馬騰皋順治間人古樸端方樂善好施生平不入公門壽至百歲管志

龔文元康熙間人性好善施棺揗骨終身不倦壽八十餘舉鄉飲賓

管志

龔正泰康熙間人生不好義凡施棺揗骨撫孤恤寡諸善事靡不盡心

管志

甘學曾康熙間諸生與同里生冉哲徐翮皆敦行古道孚於鄉里尤好施濟每遇人有患難輒力爲救解時以忠孝之道爲人講說義舉頗多

甘志
王志

陳鍾康熙間人性良厚和平好義樂施與許鳳林高建業李榮春同爲鄉里模範壽皆至九十有司請於

朝恩賜九品壽官並給以粟帛

甘志
王志

向明康熙間州西彌興人勤儉起家積而能散晚年耕圃得藏鑑曰天賜也施濟彌篤臨終命子檢篋中債券讀之凡貧困者悉令焚去遺命不得索取後同邑有監生毛榮亦樂善好施設義學以教貧民有司賞書樂善不倦匾額旌之

採訪

袁采姚邑東鄉人康熙間諸生緬懷先澤篤志潛修食餽後設帳談經飲人以和事繼母人無間言子學

皋以經魁授浙江孝豐縣時以敬恕二字勗之

金紀昀袁鳳山先生學誌

王騰驥州北蘆川人雍正間例貢生時知府臧珊置夫馬公田以蘇民困騰驥以湯家冲私產一莊計田

二百二十坵捐爲公田進士饒有亮曾爲文以誌其美

甘志

王元旦乾隆間貢生與廩生徐斯茂官宗賢皆行孚鄉里臨事有識時鹽政病民全漚蠹動姚民亦幾爲亂三人力阻之曉以大義衆感悟散去無一人陷於罪論者謂三人以一言而造無疆之福云

王志

出之奇字玉珍好學篤行不慕虛名處世謙和隨緣利濟平生如施茶水造橋梁施棺槨均樂行不倦後族人宗德亦淹貫經史晚尤好易恬退知幾學深養純舉動有法急公益好施與捐助寒衣施棺諸善舉

揮斥無吝

劉錦李鑒等所撰誌

向殿鳳州南任家村人乾隆間歲貢生慷慨好義經理寒衣施棺掩骨諸事倡首修復豐樂湖

甘志

張開圖乾隆間生員與貢生劉賢皆品端學博同心經理寒衣施棺掩骨諸善事捐置田畝以垂永久

甘志

參王志

劉轅乾隆間人存心忠厚暗室無欺嘗拾江西人陳桀遺金一百餘於拾金處俟失者三日失者至如數

還之不受謝

王志

高聯第乾隆間諸生普湖向設驛馬二匹及緬甸軍興增爲六匹一切按糧加征飼養軍事既息並未裁

減地方不甚其累聯第迭呈上峯邀恐事經十年始獲禁革地方感之爲立碑紀念

採訪

關偉乾隆間戶科司書奉命解繳省課僚友誤入他款二百偉不知也庫吏徑取乾沒偉執牒力爭卒取

之歸州牧嘉其廉幹命充典吏勤敏廉慎人民無守候之苦數少短者代爲彌補人多嘆其迂偉不顧也
吏滿歸田以耕稼樹畜分課五子歲入百金漸致富裕子姓繁衍詩書繼美遂爲南鄉巨族

金甘孟
遺稿

朱絢乾嘉間生員謹身好義與生員周興國同心經理寒衣施棺諸事捐置田畝皆壽享百齡興國子兆
鰲繼續經理十年益增置寒衣田產迄今猶存後人時追思紀念

參王
志

徐景達乾嘉間生員天性孝友好義樂施救災恤患周貧濟乏有古人風興生員王會圖齊名

甘志
參

關壽州南諸生五世同居一門雍睦嘉慶壬戌維西用兵州牧徐森委辦運輸千里飛輓精密規畫忠實
奉行民不竭勞於公有濟州牧擬請獎叙不受特書匾以旌其閭

參王
志及劉榮
編關樂山
家誌

周繡者南界者樂村老農也家有常稔之田百畝稱富戶焉嘉慶丙子初夏農事方亟家人引水灌田將
植禾繡往視之見田間有漏水處下田補其罅水浸足驚曰必有凶年家人曰何以知之曰時方初夏陽
氣盛行而水寒如冰此陰氣伏匿之故凶年之兆也當舍禾而植稗家人曰稗不中食曰饑可食家人從
之遂植稗聞者咸笑其迂也仲秋穀將熟北風突至禾盡秕鄉中果大饑惟稗無恙繡獲稗實四百餘石
去其浮得米三百石並家內所存舊稗共得五百餘石之數憫鄉人之饑且死酌賑之人受稗米日半升
幼小半之親族鄰里賴以全活又於門外日煮稗粥二釜過者聽取食人以是接踵爭趨咸來就食活人

不可以數計甘志補遺

劉志高州西普潮人性謙謹好施濟推令解乏無所吝親鄰有婚喪事助以米錢不取償人無賢愚皆稱之甘志

陳韶字九成歲貢生道光二十八年總督林則徐討永昌回匪韶輸粟百石林公甚嘉獎之以爲有卜氏遺風給以六品頂戴甘志

劉源逢普潮人嘉道間廩生天資超卓工文藝善書法精醫術回夷亂時民居殘燬流離失所源逢迺招集流亡營龍馬山以自衛並時籌策保安事平當道獎以四品職銜同時有諸生郁熙一彌興人資秉穎

異博通子史大姚劉榮輔太史以翰苑才期之遭時變亂人民被匪凌夷迺營老鴉山自守賊圍攻甚急熙汪孤身潛往雲南縣求援於提鎮事未濟而營破老弱孤幼被焚死者數千遂悲憤嘔血死採訪

吳士元嘉道間廩生性端嚴居家孝友生平樂善好施爲人排難解紛並以家存樂器捐贈樂社弟應元以計然策起家時承兄意年製小囊數十遇貧苦者即給百錢囊米嚴冬則製寒衣分給又以鋪屋三間捐作武廟焚獻無矜容無德色迄今人猶稱之採訪

曹國華道光間州北黑壩人少孤爲後母所屏棄遠遊遍緬間後歸至南安石羊廠爲建水楊氏主會計